



Godina XIII
Utorak, 2. lipnja/juna 2009. godine

Broj 43

URED ZA VETERINARSTVO BOSNE I HERCEGOVINE

Na osnovu člana 3. tačke 27. Zakona o veterinarstvu u Bosni i Hercegovini ("Službeni glasnik BiH", broj 34/02), Ured za veterinarstvo Bosne i Hercegovine donio je

ODLUKU

O IZMJENAMA I DOPUNAMA ODLUKE O UVJETIMA KOJE MORAJU ISPUNJAVATI OVLAŠTENI VETERINARSKI DIJAGNOSTIČKI LABORATORIJI

Član 1.

U Odluci o uvjetima koje moraju ispunjavati ovlašteni veterinarski dijagnostički laboratoriji ("Službeni glasnik BiH", br. 25/04 i 16/05), u članu 8. stav 1. iza riječi: "pismena uputstva" dodaju se riječi: "i procedure".

Član 2.

Član 11. mijenja se i glasi:

"Član 11.

Ispunjavanje standarda

U svrhu ovlašćivanja ispitne laboratorije moraju imati akreditirane metode ispitivanja prema standardu BAS EN ISO/IEC 17025:2006, Opći zahtjevi za kompetentnost laboratorija za ispitivanje i kalibracije, za ona ispitivanja za koja se zahtijeva ovlaštenje."

Član 3.

1. U članu 17. iza stava 5. dodaju se novi stavovi 6. i 7., koji glase:

"6. Rješenje iz stava 1. sadrži najmanje slijedeće podatke:

- a) naziv i adresu laboratorije;
- b) odjel laboratorije, ukoliko je primjenjivo;
- c) vrstu ispitivanja za koje se ovlaštenje izdaje, sa naznakom bolesti, odnosno proizvoda, koji se ispituju;

- d) korištenu metodu ispitivanja;
- e) ostale informacije koje se odnose na vrstu i metodu ispitivanja.

7. Mjerodavno tijelo za ovlašćivanje dostavlja rješenja Uredu za veterinarstvo Bosne i Hercegovine."

Član 4.

1. U članu 18. stav 2. mijenja se i glasi:

"2. Ured za veterinarstvo Bosne i Hercegovine vodi registar ovlaštenih laboratorija."

2. U članu 18. stav 3. mijenja se i glasi:

"3. Registar sadrži najmanje podatke navedene u članu 17. stav 6. ove Odluke. Registar ovlaštenih laboratorija dostupan je zainteresovanim licima putem Internet stranice Ureda za veterinarstvo Bosne i Hercegovine".

Član 5.

U članu 21. iza stava 5. dodaje se novi stav 6. koji glasi:

"6. O svim nedostacima iz stava 3. povjerenstvo obavještava mjerodavno tijelo za ovlašćivanje i Ured za veterinarstvo Bosne i Hercegovine".

Član 6.

Član 29. mijenja se i glasi:

"Član 29.

Rok za ispunjavanje propisanih uvjeta

1. Ovlaštene laboratorije dužne su uskladiti rad sa uvjetima propisanim ovom Odlukom najkasnije do 31. decembra 2009. godine.

2. Laboratorije navedene u stavu 1. ovog člana moraju akreditirati metode ispitivanja za koje su dobile ovlaštenje najkasnije do 31. decembra 2010. godine."

Član 7.

Ova Odluka stupa na snagu danom donošenja i objavit će se u "Službenom glasniku BiH".

Broj 01-1-02-2511/09
30. travnja 2009. godine
Sarajevo

Direktor
Doc. dr. Drago N. Nedić, v. r.